



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. II. An fides vel probitas requiratur in Ministro ad valorem Sacramenti.

[urn:nbn:de:hbz:466:1-72963](#)

136 Disp. III. De Ministro & Subjecto Sacram. nova Legis.

non sit membrum Ecclesiae militantis, uti neque est excommunicatus, similiter nec infidelis seu paganus, qui insuper non est quoque Ecclesia subditus, & tamen valide baptizari. Ut proinde nec recte quispam probet intentum ex hoc, quod Deus ministerium Sacramentorum quoad valorem restrinxerit ad subditos Ecclesiae.

*Similiter &
alia pro parte
affirmativa.*

Partem quoque affirmativam non satis probat, quod character maneat in Beatis: nam etiam manet in damnatis: immo & in animabus Beatorum separatis. Denique maneret in his ad ornatum & signum potestatis praeterita ac ministeriorum probè functionum: ideoq; manebit tria post diem judicii; ad quem tamen potestas consecrandi & Sacraenta conficiendi est saltu restricta. Quocirca hæc modice utilitatis controværia in sua est incertitudine relinquenda.

6.

*Non omnis
etiam fidelis
est legitimus
sive validus
minister
quorumlibet
Sacramen-
torum.*

Dico III. Præter Baptismum & Matrimonium non habet quilibet homo etiam baptizatus potestatem ministrandi Sacraenta, sed is solus, qui juxta Christi institutionem ritè est ab Ecclesia ordinatus. Patet aperte ex definitione Trid. sej. 7. can. 10. contra Laiherum; cujus futile argumenta soluta videri possunt apud Bellarminum & alios Auctores. Pater etiam ex perpetuo usu Ecclesiae & Florentino assignante certos quosdam Sacramentorum ministros. Denique in Republica bene ordinata (qualis indubitur est Ecclesia) est distinctio functionum ac officiorum: non enim omnes sunt duces, sed alii præsunt, & alii subsunt.

7.

*Infantes &
ametes nullum
possunt confi-
cere Sacra-
mentum:
Mutu vero
solum ma-
trimonium.*

Dico IV. Infantes & amentes excludentur etiam à ministerio Sacramentorum, defectu moralis intentionis; quæ juxta dicta requiritur, & in carentibus usu rationis non reperitur. Similiter muti nullum Sacramentum possunt ministrare, excepto Matrimonio: cum cætera perfici debent verbis strictè dictis.

*Distributio
tamens seu
applicatio
Eucharistia
ab his fieri
posset vali-
de.*

Hæc tamen intellige de administratione Sacraenti, prout involvit ejusdem consecrationem: quemadmodum omnia conficiendo ministrantur, excepta Eucharistia, quæ est permanens, ideoque confectione seu consecratione supposita potest à fultis & quibuscumque aliis, etiam dæmonibus, validè administrari sive applicari. Et hoc modo leguntur Angeli interdum Eucharistiam distribuisse; prout contigisse S. Bonaventura, refertur in ejus vita.

Q U A E S T I O N E II.

An Fides vel Probitas requiriatur
in Ministro ad valorem Sa-
cramenti?

8.
*Fidem in
ministro re-*

IDEAM esse necessariam, adeoque defensum illius baptizatos ab Hæreticis esse rebaptizandos, primò docuit Agrippinus E-

piscopus Carthaginensis. Eundem errorem acriter defendit martyr Cyprianus successor eius Agrippini, ethi (ut aperte colligitur ex Cypriano Ep. 72, ad Jubaianum) non immediatus, cum multis Episcopis Africanis, & in quodam Concilio Provinciali definitivus, teste Hieronymo Dialogo contra Luciferianos, ut idcirco fortasse ab Eusebio, & clarissim à Nitophoro dicatur esse erroris auctor. Quem postea resuscitarunt Donatisti (ut patet ex libro Angustini, quos contra eosdem conscripti) adentes etiam peccatum ministri impeditum valorem Sacramenti, ut significat Aug. 1. 2. contra Ep. Parmeniani c. 10. & 12. contra Cresconium Grammaticum c. 28. & alibi. Postmodum haeretici dicti Apostolici ac Pauperes de Lugduno nec non Joannes Vicles, etiam docuerunt fidem & probitatem esse in ministro necessariam: immo existimavit Vicles (teste Waldensi lib. 5. five Tom. 2. de Sacram. c. 14.) reprobos seu præscitos non confidere valide Sacraenta.

Sed contrarium est certum de fide; modò haereticus minister aut improbus nihil omittat quod est de substantia Sacramenti. Patet ex Concilio Carthaginensi 1. can. 1. Constitutione sej. 8. Trid. sej. 7. can. 12. de Sacram. in gen. & can. 4. de Baptismo. Idem constat ex Concilio Niceno can. 19. ubi de solis Paulinistis statuitur, ut converbi baptizentur in forma Ecclesiae, quæ ii non utebantur. Ideoque can. 8. id non imponit Novarianis utelegitimiè etiæ extra Ecclesiam baptizatis. Quod proinde distinctè expressit Iunius I. Ep. 22. 6. & refertur c. Paulinista 1. 9. 1.

Pater etiam ex constanti & antiquissima Ecclesiae traditione; quam Stephanus Papa potissimum urgetur restringens Cypriano: Nil innovetur, nisi quod traditum est. Quam saluberrimam consuetudinem docet Aug. 1. 2. de Baptismo c. 7. ex Apostolica traditione venire: sicut multa non inveniuntur in litteris eorum, neque in Conciliis posteriorum, & tamen quia per universam custodiuntur Ecclesiam, non rati ab ipsis tradita, & commendata creduntur. Eamdem veritatem docent Patres, præsertim Hieronymus, & Augustinus in libris contra Donatistas & lignanter l. 2. contra Epist. Parmeniani. Quapropter credendum non incongruerit est, quod uti ceteri Episcopi Africani (teste Hieronymo Dialogo contra Luciferianos) sic etiam ipse Cyprianus errorum suum ante mortem correxerit, & fortasse suppressum sit ab eis qui hoc errore nimium delectati sunt, juxta Aug. Ep. 48. vers. finem; aut si quid haberet purgandum, passionis fæce ultimâ fuerit sublatum sive purgatum, inquit ibidem & l. de unico Baptismo contra Perilianum c. 13. Nam certum est (ut docet idem Aug. l. 1. de Baptismo c. 18.) Cyprianum non fuisse doctrinum suum errorem qui eousque humanus fuerat, neque destruens unitatem, si vidisset definitionem Concilii plenarii, scilicet Nicæni, de quo Hieronymus

Quæst. II. An Fides vel Probitas requiratur in Ministro &c. c. 137

supr. circa finem a. : Synodus quoque Nicene omnes hereticos suscepit, exceptis Pauli Samosateni discipulis; id est, ceterorum Baptifnum approbat, non tamè Paulianistarum, qui legitimam formam non utebantur.

Probatur eadem veritas ratione, quia ministri Sacramentorum operantur tamquam instrumenta Christi, ac velut dispensatores nomine ejusdem, opusque, quod agunt, ex se sanctum est, unde non debuit valor Sacramenti gratiae ex opere operato collativi ac nomine Christi collati, à fide vel sanctitate ministri dependere: *Quid enim tribus facit manus minister, ubi bonus est Dominus? quidve impedit maliziosus præco, ubi benevolus est Iudex?* inquit Aug. Tract. 5. in Joan. sub med. Ubi adducit similitudinem aquæ transversit per canalem lapideum, in quo eti non fructificet eò quod lapideus sit, tamen prodest horis ad quos transit. Sic igitur Sacramentum eti non profit infideli aut malo ministro, tamen prodest suscipienti bege dispositio.

Secundò, quia Christus alioquin non bene consuluisse Ecclesie suæ unicè dilectæ, requirens conditionem tot perplexitatibus obnoxiam.

Tertiò, quia characterem (quem peccator retinet, cum semel ordinatus, post lapsum non iterum ordinetur) inseparabiliter in hac vita comitatur potestas validè conficiendi Sacramentum. Denique cùm ministerium Sacramentorum, non tam bonū ministri, quām suscipientium respiciat, non debuit ab illius bonitate dependere; ut etiam patet in prophetia, gratia sanitatum, & aliis gratiis gratis datis ad aliorum bonum.

Objicitur I. Pelagius Papa c. Schisma 24. q. 1. dicens: *Non est Christi corpus, quod Schismaticus conficit.* Resp. Pontificem velle, quod Sacerdos schismaticus non conficiat Christi corpus, quatenus hoc significat corpus Christi mysticum, scilicet Ecclesiam, ac membrorum illius inter se & cum capite unitatem, à qua Schismaticus est divisus; ut pater ex contextu & discursu Pontificis.

Objiciuntur II. variii Patres, qui dicunt Sacraenta ab hereticis collata polluere potius, quām mundare. Resp. mentem Patrum esse manifestam pro Catholica veritate. Itaque similibus loquundi modis docent, Sacraenta ejusmodi, eti. valida, inquinare plerumque adultos defecit dispositionis, qui regulariter peccant suscipiendo, ab hereticis Sacraenta, vel loquuntur de hereticis, qui non adhibent materiam vel formam debitam; Vel qui non erant legiti- mè ordinati; quales videntur fuisse heretici Apostolici, contra quos agit Bernardus ferm. 66. in Can. qui proinde non habebant potestatem conficiendi corpus & sanguinem Christi. Subinde etiam per fidem, quam requirunt, intelligent intentionem operandi juxta Christi institutionem. Vide Herinck Sm. Theol. Pars IV.

Alanum lib. de Sacram. in gen. cap. 53.

Objicitur III. Nemo dat, quod non habet: ergo requiritur in ministro sanctitas, ut eam per Sacraenta conferat. Resp. posse aliquem causaliter seu instrumentaliter conferre sanctitatem, quam non habet in se formaliter, sic æger medicus potest sanare aliquem infirmum adhibendo pharmaceutum sanativum. Et saltem id potest fieri Deo ordinante; de cuius ordinatione in praesenti constat.

Ex dictis hâc quæstione nascitur dubium, an vel quomodo S. Cyprianus cum suis Collegis & Anteclericis sit excusandus ab heresi, præsertimum S. Cyprianus repugnaverit sententia S. Stephani Papæ: item S. Cornelii prædecessoris, qui etiam hanc ob rem coegerat Concilium Episcoporum ac Sacerdotum Italiæ, ut ex Eusebio resert Bellarminus l. 2. de Concil. auctor. c. 5. Nihilominus Resp. certum esse ex communi consensu Ecclesie ac Patrum, S. Cypriannum (idem est de aliis) esse excusandum ab heresi, eo quod doctrinam suam animosius quidem, non amen pertinaciter, sed salvâ unione cum Ecclesia tueretur; ut proinde nec ipse à se dissidentes haberet pro hereticis, neque ab his baptizatos rebaptizaret. Secus quoad Donatistas, qui etiam post definitiōrem Concilii Generalis fuerunt in errore pertinaces. Et quāvis S. Stephanus oppositum velut traditionem Ecclesiasticam Cy- priano rescripsisset, necdum tamen determinaverat velut articulum fidei, sed contra Cypriannum agebat allegando auctoritatem traditionis; quam iislate sententia non putabat aduersari. Quanti alioquin fecerit traditionem Ecclesie Cyprianus, constat ex Ep. 74. ad Pompeium. Quod etiam noluerit definitioni Ecclesie Catholice aduersari, sed eius fidem in omnibus sequi, constat ex Ep. 71. ad Quintum. Quare in Concilio Africano non voluit quoque suam doctrinam haberi pro articulo fidei, sed potius declaravit velle se retinere unitatem cum ceteris. Unde ex proposito videtur consummata rei definitio reservata. Concilio plenario, cui aliter sentientes possent quoque personaliter adesse.

Q U A E S T I O III.

An requiratur certa intentio in Ministro ad valorem Sacramenti?

TRIPLECTER potest versari intentio ministro circa actionem sacramentalē. Primò, ut minister intendat sollem exercere actionem externam physicè & materialiter spectatam, v.g. applicationem aquæ ad corpus, & pronuntiationem verborum, prout sunt actiones physicæ, absque spezias.

M 3 que